

堅

瓠

集

堅瓠五集卷之二目錄

屠藕酒

藍尾酒

綠燕人勝

風流帽

吳評

中涓產子女

添幕內人

不識一丁

桑落酒

紅袖拂塵

曲水園

王盧溪

宣和御書

王義豐詩

大小寒

祁門客邸詩

淮陰廟

海陵詩詞

劉觀堂讀赦詩

墨杖二銘

何處難忘酒

東坡屬對

蟻蝶圖

慶元公議

牧牛亭

李白竹枝詞

味諫評

蔣燾巧對

錢李諛王劉

施槃幼志

石僧

猪脬油囊

倭使詩

小先生

分合字對

洗鼻挑土

彩鳳

一箇波

酒三平

等一等

腐德

癸僧

琵琶妓

才婦擇婿

十忙

道中栽李

致曲

愚蠢

永嘉相命

葡萄說

黠有六德

李沅南

董生

嫁娶謔詞

李氏女

詩訕

堠子詩

閉門弭災

費鵝湖別築

四休居士

葉唐夫

堅瓠五集卷之二

長洲石農褚人獲學稼纂輯

屠酥酒

四民月令元日飲屠酥酒次第當從小起  
以年少者起後漢李膺杜密以黨人同繫  
獄值元日於獄中飲酒曰元旦從小起時  
鏡新書晉海西令問董勛曰正旦飲酒先  
從小者何也勛曰俗以少者得歲先酒賀

之老者失歲故後飲酒劉夢得白樂天元  
日舉酒賦詩劉云與君同甲子壽酒讓先  
杯白云與君同甲子歲酒合誰先白有歲  
假內命酒篇云歲酒先拈辭不得被君推  
作少年人顧況云不覺老將春共至更悲  
攜手幾人全還丹寂寞羞明鏡手把屠蘇  
讓少年裴夸直云自知年幾偏應少先把  
屠蘇不讓春儻更數年逢此日還應惆悵

羨他人成文幹云戴星先捧祝堯觴鏡裏  
堪驚兩鬢霜好是燈前偷失笑屠蘓應不  
得先嘗方干云纔酌屠蘓定年齒坐中皆  
笑鬢毛斑東坡云但把窮愁博長健不辭  
最後飲屠酥○七修作屠蘓四時纂要屠  
蘓孫思邈庵名天中記屠割也屠腐也

藍尾酒

容齋四筆引白樂天元日對酒詩云三五



藍尾酒一櫟膠牙錫又老過占他藍尾酒  
病餘收得到頭身歲盞後推藍尾酒春盤  
先勸膠牙錫荆楚歲時記云膠牙者取其  
堅固如膠也而藍尾之義殊不可曉河東  
謂載申屠澄與路傍茅舍中老父嫗及處  
女環火而坐嫗自外挈酒壺至曰以君冒  
寒且進一盃澄因揖遜曰始自主人翁卽  
巡澄當焚尾盞以藍爲焚當焚尾者謂最

在後飲也石林燕語云唐人言藍尾藍字  
多作淋焚出於候白酒律謂酒巡匝末連  
飲三盃爲藍尾蓋末坐遠酒行到常遲連  
飲以慰之故以淋爲貧焚之意七修云藍  
澱電也說文云澱滓近也滓近者渾濁也  
據此則藍尾酒乃酒之濁脚如盡壺酒之  
類故有尾字之義知此則樂天之詩及少  
蘊所謂酒巡匝末俱通矣

綵燕人勝

歲時記立春日剪綵爲燕以戴之鄭毅夫  
詩云漢殿聞簪雙綵燕始知春色上釵頭  
又貼宜春於門王沂公詩云北陸凝寒盡  
千門淑氣新年年金殿裏寶字貼宜春又  
人日剪綵勝爲人形帖帳中及屏風上戴  
頭髮或以相遺景龍文館記唐中宗時人  
日賜王公以下綵縷人勝令羣臣賦詩

風流帽

桐下听然馮南谷吳門博徒善恢諧嘗負  
博錢十萬旬貸豪門時王元美在坐戲以  
優人風流帽襲其首曰能詩當如所請馮  
卽朗吟曰天下風流少區區帽上多髻邊  
齊拍手恰似按笙歌元美欣然贈十金一  
時座客爲交囊而去明日訪之室如洗矣  
○按風流帽亦稱不倫圍如束帛兩旁白

翊不搖而自動惟白兔記李洪義八義記  
樂人戴之先大父言張幼于門客某欲告  
貸于幼于浼其兄伯起爲言幼于諾之復  
曰以不倫爲題吟詩一首能則與之伯起  
復於客客求伯起代作前詩明日客見幼  
于伯起已在坐客言其情幼于初命題客  
毫不思索隨口吟詩幼于曰非汝所能幾  
不與伯起婉言得如所請

吳評

吾蕪轄一州七縣舊有評語曰金太倉銀  
嘉定銅常熟鐵崇明豆腐吳江叫化崑山  
紙長洲空心吳縣言金銀富厚銅臭鐵剛  
豆腐淡叫化齷齪紙薄空心虛僞也

中涓產子女

後漢荀爽父綰爲文若娶中常侍唐衡  
女中官有女固奇而文若爲中官倩尤淫

而不淄○又宋靖康之亂有中涓挈一官  
人南奔僑寓平江稱夫婦潛蓄美男飾以  
釵珥佯爲婢而進之與官人產子四歲中  
涓死官人嫠居偕婢撫其子他年官人又  
產女鄰人聞於官訊之吐實以聞上詔給  
配賜姓名宦成宦成遂洗粧而衣冠爲丈  
夫其後更有二子皆舉進士長者爲奎章  
閣待制父母榮封焉待制常宴客懸三教

圖座客爲對句云夫子天尊太士頭上不  
同趙秘書彥中對曰官娥宦者官人腰間  
各別舉座匿笑待制引滿觴之曰可謂一  
網打盡矣

叅幕內人

桐下听然林文節鎮并州日與僚屬唱和  
叅幕徐君內人能詩每分韻密遣人馳歸  
衆方苦吟內人詩已至矣有幕府客醉起



舞和藜字云幕中舞客聞鴈鵠帳下雄兵  
掃蒺藜又送屬官除監司押僚字云補袞  
自宜還舊物繡衣先見冠同僚監司相國  
之後也爲一時賞冠又陳述古女適李判  
官題雁屏詩沙淡蘆欹曲水通幾雙容與  
對西風扁舟自向江鄉去却喜相逢一枕  
中又曲屏誰畫水瀟湘雁落秋風蓼半黃  
雲薄雨疎孤嶼遠曾令清夢到高唐

不識一丁

野客叢書今文人多用不識一丁字祖唐書挽兩石弓不如識一丁字出處考之乃今字非丁字按續世說書此个字蓋个與丁相似傳寫誤爾後觀張翠微考異亦謂个字又觀蜀志南史皆有所識不過十字之語史通謂王平所識僅通十字恐是十字亦未可知十與丁字又相似此與淮南

子言宋景公癸惑徙三舍之謬同史記謂  
三度

### 桑落酒

桑落酒相傳九月九日作水米麴皆以三  
十爲準熟於桑落之辰故名桑落張伯起  
譚輅云西羌有桑落河出馬乳酒羌人兼  
葡萄壓之晉宣帝時常來獻九日賜百官  
飲之則似桑落又地名非時也又見雜記

載河中桑落坊并桑落時取其水釀酒甚  
佳似又兼地與時矣庾信乞酒詩蒲城桑  
落酒灞岸菊花天又似出蒲州

紅袖拂塵

寇萊公典陝自與魏野同遊僧寺萊公舊  
日留題處皆用碧紗籠之野詩則塵蒙其  
上時從行官妓之黠慧者以紅袖拂之野  
顧萊公笑咏曰世情冷煖由分別何必區

區較異同但得常將紅袖拂也應勝似碧  
紗籠

曲水園

曲水園有竹三十畝爲文潞公先得賈文  
元題詩園壁云畫船載酒及芳辰丞相園  
林濕亦水濱虎節麟符拋不得却將清景  
付閒人潞公見詩卽以地券歸賈賈亦不  
復再至

王盧溪送胡忠簡

出珂棎江史胡忠簡銓乞斬秦檜授新州  
之禍直聲振天壤士大夫畏罪箝舌莫敢  
與立談獨安福王盧溪廷珪字民瞻以詩  
送之曰囊封初上九重關是日清都虎豹  
閑百辟動容觀奏牘幾人回首媿朝班  
高北斗星辰上  
身墮南州瘴海間  
豈待他年公論出漢庭  
行召賈生還  
大厦元非

一木支欲將獨立在頃危癡兒不了官中  
事男子要爲天下奇當日姦諛皆膽落平  
生忠義只心知端能飽吃新州飯在處江  
山足護持於是有以聞於朝者檜怒坐以  
謗訕流夜郎時年七十旣而檜死尋許自  
便孝宗初政召對便殿除官不受再召再  
辭年九十三卒時朝士陳剛中三山寓公  
張仲宗亦以作啓與詞爲賤而得罪檜之

怒忠簡蓋流貶不少置也。王民瞻在辰陽謫所郡守承風旨待以囚隸檜死隨有自使之命守張燕公堂以召之盧溪題詩壁間云辰州更在武陵西每望長安信息稀二十年與僧紳禍一朝終失相公威外人初說哥奴病遠道俄聞逐客歸甯日美權誰敢指如今憶得姓依稀蓋志喜也

宣和御書



康伯可與之在高宗朝以詩章應制與左  
璫狎適睿思殿有微祖畫扇繪事卓絕高  
宗時持玩流涕以起羹牆之思璫偶下直  
竊攜至家而康適至留之燕飲漫出以示  
康給璫入取穀核輒書一絕於上曰玉輦  
宸游事已空尙餘金藻繪春風年年花鳥  
無窮恨盡在蒼梧夕照中璫出見之大恐  
而康已醉無可柰何明日伺間叩頭請死

上大怒亟取視之天威頓霽但一慟而已  
。又王盧溪題宜和殿雙鵲圖曰玉鎖宮  
扉三十六誰識連昌滿宮竹內死寒梅欲  
放春龍池水暖鴛鴦浴宜和殿後新雨晴  
雨鵲蜚來東向鳴人間畫工貌不成君王  
筆下春風生長安老人眼曾見萬歲山頭  
翠華轉恨臣不及宜政初痛哭天涯觀畫  
圖。明張來儀羽咏徽廟新技桂云玉色

官瓶出內家天香濃浸月中葩六宮絕愛  
清涼好不道金風捲翠華冀原吉咏墨竹  
云寶殿無心論治安碧牕著意寫琅玕枝  
枝葉繁真瀟洒不道金人不愛看責其不  
能君也又有咏石榴日金風吹綻絳紗囊  
零落宜和御墨香猶喜樹頭霜露小南枝  
有子殿秋光此言南渡得人有情之之意

王義豐詩

德安王阮仕至撫州守嘗從張紫微學詩  
紫微罷荊州侍總偕之游廬山山南有萬  
杉寺本仁皇所建奎章在焉紫微大書二  
詩曰老幹叅天一萬枝廬山佳處著浮圖  
祇因買斷山中景破費神龍百斛珠 莊  
田本是昭陵賜更著官船載御書今日山  
僧無飯喫却催官欠意何如阮得詩獨慙  
然不滿意曰先生氣亦虬蜺今獨少異之

何也紫微不復言送之江津別去纔兩旬  
而得紫微河陰之訃蓋絕筆云阮時亦有  
詩曰昭陵龍去奎文在萬歲靈杉守百禩  
四十二年真雨露山川草木至今春紫微  
擊節自以爲不及既而復過是寺又題其  
碑陰曰碧紗籠底墨纔乾白玉樓中骨已  
寒淚盡當時聯騎客黃花時節獨來看阮  
詩亦紆餘有味號義豐集

# 大小寒

慶元初韓平原仇胃爲相其弟仰曹爲知  
閣門事頗與密議時人謂之大小韓求捷  
徑者爭趨之一日內宴優人有爲衣冠到  
選者自叙履歷材藝應得美官而留滯銓  
曹自春徂冬未有所擬方徘徊浩歎又爲  
日者過其旁遂邀使談庚甲問以得祿之  
期日者推測曰君命甚高但五星局中財

國朝集 卷二  
帛宮有耗破星若欲通達先到小寒更望  
戎事必到大寒優蓋以寒爲韓侍燕者皆  
縮頸匿笑

祁門客邸詩

慶元己未岳珂如中都道徽之祁門夜憩  
客邸見壁間一詩曰蹇衙衝風怯曉寒也  
隨舉子到長安路人莫作親王看姓趙如  
今不似韓味其語意乃天族之試南宮者

所作旁有細書八字云霍氏之禍萌於驂  
乘而侂冑憤然不少悟以至於敗

淮陰廟

楚州淮陰夾漈河而邑於澤國諸聚邑尤  
爲荒涼開禧北征岳珂舟過其下登楚王  
信廟堂廡傾圯幾不庇風雨兩旁皆過客  
詩句左廂高堵有揚誠齋詩二首字跡潦  
草亦舛筆畫不知何人所書珂以意揣之



日來時月黑過淮陰歸路天花舞故城一  
劍光寒千古淚三家市出萬人英少年膝  
下安無忤老父圯邊愕不平人物若非觀  
歲暮淮陰何必減文成鴻溝祇道萬夫  
雄雲夢何銷武士功九死不分天下鼎一  
生還貧室前鐘古來大艷愁無蓋此後禽  
空悔作弓兵火荒餘非舊廟三閭破屋雨  
株松音節悲壯徧壁間殆無繼者

海陵詩詞

金完顏亮初封岐王爲平章政事能書好  
爲詩詞語輒崛彊有不爲人下之意出使  
道驛詠竹曰孤驛瀟瀟竹一叢不同凡卉  
媚春風我心正與君相似只待雲梢拂碧  
空又書壁述懷云蛟龍潛匿隱滄波且與  
蝦蟆作混和等待一朝頭角就掀搖霹靂  
震山河過汝陰復作詩曰門掩黃昏染綠

苔那回蹤跡半塵埃空亭日暮鳥爭噪幽  
徑草深人未來數仞假山當戶牖一池春  
水遶樓臺繁花不識興亡地猶倚闌干次  
第開一日至卧內見几上瓶中植巖桂索  
筆賦云綠葉枝頭金縷裝秋深自有別般  
香一朝揚汝名天下也學君王著赭黃又  
嘗作雪詞二集見中秋待月不至賦鵲橋仙  
曰停雲不舉停歌不發等候銀蟾出海不

知何處片雲來做許大通天障礙虬髯撚  
斷星眸睜裂惟恨劍鋒不快一揮截斷紫  
雲腰子細看嫦娥體態與今堅志不同味其詞旨  
已多主角又使畫工圖臨安之城邑及吳  
山西湖之勝以歸閫然有垂涎杭越之想  
而於吳山絕頂貌已之狀策馬而立題曰  
萬里車書混同江南豈有別疆封提兵  
百萬西湖上立馬吳山第一峰明年起兵

下兩淮臨發賜所製喜遷鶯詞曰旌麾初  
舉正駛驤力健嘶風江渚射虎將軍落鵬  
都尉繡帽錦袍翹楚怒礫戟髯爭奮捲地  
一聲鼙鼓笑談項指長江齊楚六師飛渡  
此去無自墮金印如斗獨在功名取斷鎖  
機謀垂鞭方略人事本無今古試展卧龍  
韜韞果見成功旦暮問江左想雲霓望切  
玄黃迎路桀鰲之氣溢於詞表

劉觀堂讀赦詩

紹興己未金人歸我侵疆曲赦新復州縣  
赦文曰上穹開悔禍之期大金報許和之  
約割河南之境土歸我輿圖戢宇內之干  
戈用全民命元本讀之以爲不歸德其國  
遂指爲釁以起兵復陷而有其地後二年  
和議成秦檜懼當制者之不能說敵也以  
孽子熈及其黨程克俊改其文曰上穹悔

禍副生靈願治之心大國行仁遂子道事  
親之孝可謂非常之盛事敢忘莫報之深  
恩而况申遣使輶許構廟作先宗盟好來  
存歿者萬餘里慰契闊者十六年禮備送  
終天啓固陵之吉壤志伸就養日承長樂  
之慈顏於是郵傳至四方遺黎讀之有泣  
者蜀人劉翌之作詩曰一紙盟書換戰塵  
萬方呼舞淚沾巾崇陵訪沈空遺恨郢國

憐懷尙有人收拾金縑煩廟筭安排鐘鼎  
誦宗臣小儒何敢知機事終望君王赦奉  
春時語禁未嚴無以爲諷者望之有集自  
號觀堂他書多諂秦所謂奉春竟不知指  
何人也

墨杖二銘

張紫巖浚謫居十五年憂國耿耿不替所  
夕適權奸新斃時宰恃敵奸而不固圍禁



巖居母喪上疏論事上以爲狂詔居零陵  
作几間丸墨并常支筴竹枝二銘以寓意  
墨銘曰存身於昏昏而天下之理因以昭  
昭斯爲瀟湘之寶予將與之歸老而逍遙  
杖銘曰用則行舍則藏惟我與爾危不持  
顛不扶則焉用彼或錄以示當路怒以爲  
諷已將奏之會病卒不果後陳正獻俊卿  
爲孝廟誦之摘杖銘書於御杖焉

何處難忘酒

白樂天始爲何處難忘酒詩後人多倣之  
宋王景文質雪齋集雋放豪逸岳珂程史  
載其四篇曰何處難忘酒荆蠻大不庭有  
心扶白日無力洗滄溟豪傑將班白功名  
未汗青此時無一盞壯氣激雷霆何處難  
忘酒姦邪大陸梁腐儒空有腳好漢總無  
張曹趙扶開寶主徐賣靖康此時無一盞

淚與海茫茫何處難忘酒英雄太屈蟠時  
違耶豈春運至卽登壇梁父吟聲苦干將  
寶氣寒此時無一盞拍碎石闌干何處難  
忘酒生民太困窮百無一人飽十有九家  
空人說天方解時和歲自豐此時無一盞  
入地訴英雄又王荆公臨川集亦有二篇  
其一篇特典重曰何處難忘酒君臣會合  
時深堂拱堯舜密席坐皐夔和氣襲萬物

歡聲連四夸此時無一盞真負鹿鳴詩二  
公同一題而暗鳴叱咤一轉於俎豆間便  
覺閑雅不侔矣

東坡屬對

宋與遼歡盟文禁甚寬輅客往來率以談  
笑詩文相娛樂元祐間蘓東坡嘗膺是選  
遼使數聞其名思以奇困之其國舊有對  
曰三光日月星凡以數言者必犯其上一

字久無有能對者首以請於坡坡唯唯謂其介曰我能而君不能非所以全大國之體四始風雅頌天生對也蓋先以此復之介如言方共歎愕坡徐對曰四德元亨利使睢盱欲起辨坡曰爾謂我忘其一耶謹闕爾舌兩朝兄弟邦卿爲外臣此固仁廟之諱也使出不意遂駭服○張幼于對六脉寸關尺吳文之對一陣風雷雨亦妙

蟻蝶圖

黃山谷居黔有以屏圖遺之者繪雙蝶翔  
舞罽於蛛絲而隊蟻憧憧其間題六言於  
上曰胡蝶雙飛得意偶然畢命網羅羣蟻  
爭收墜翼策勛歸去南柯崇寧間又遷于  
宜圖偶爲人攜入京鬻於相國寺肆蔡客  
得之以示元長元長大怒將指爲怨望重  
其貶會以訃奏僅免其在黔嘗摘香山句

爲十詩卒章曰病人多夢醫囚人多夢赦  
如何春來夢合眼在鄉社一時網羅之味  
蓋可想見

慶元公議

趙忠定汝愚爲韓侂冑所逐至衡州暴卒  
公論譁然日有懸書北闕下者捕莫知主  
名太學生教器之陶孫題壁云左手旋乾  
右轉坤羣公相竊動羣一作忽何流言狼胡

無地歸維旦魚腹終天弔屈原一死固知  
公所欠不難孤忠賴有史長存九原若遇  
韓忠獻休說渠家末代孫都下競傳平原  
知其出於器之亦不之罪

### 牧牛亭

金陵牧牛亭秦檜圯墮在焉有移忠旌忠  
寺相去五里金碧相照楊誠齋過之題詩  
壁間曰函關只有一穰侯瀛館寧無再帝



耶天極八重心未死台星三點折方休只  
看壁後新亭築恐作移謁中屬國羞今日  
牛羊上坵隴不知丞相更嗔不自註其下  
曰秦暮年起大獄必殺張德遠浚胡邦衡  
銓等五十餘人不知殺盡諸公將欲何爲  
奏垂上而卒故有新亭之句然初節似蘓  
子卿而晚謬岳珂云檜在金末久卽逃歸  
撻辣實縱之不知何以似子卿也

李白竹枝詞

紹聖二年黃山谷以史事謫黔南道間作  
竹枝詞二篇題歌羅驛曰撐崖拄谷蝮蛇  
愁入簪攀天猿掉頭鬼門關外莫言遠五  
十三驛是皇州浮雲一百八盤縈落日四  
十九渡明鬼門關外莫言遠四海一家皆  
弟兄又自書其後曰古樂府有巴東三峽  
巫峽長猿鳴三聲淚沾裳但以抑怨之音

和爲數疊惜其聲今不傳余自荊州上峽  
入黔中備嘗山川險阻因作二疊傳與巴  
娘令以竹枝歌之前一疊可和去鬼門關  
外莫言遠五十三驛是皇州後一疊可和  
云鬼門關外莫言遠四海一家皆弟兄或  
各用四句八陽關小秦王亦可歌也是夜  
宿于驛夢李白相見曰予往謫夜郎於此  
聞杜鵬作竹枝詞三疊世傳之不予細集

中無有三誦而使之傳焉其辭曰一聲望  
帝花片飛萬里明妃雪打圍馬上胡兒那  
解聽琵琶應道不如歸竹竿坡面蛇倒退  
摩圍山腰胡孫愁杜鵑無血可續淚何日  
金雞赦九州命輕人鮓甕頭船日瘦鬼門  
關外天北人墮淚南人笑青壁無梯聞杜  
鵑豫章集所刊自謂夢中語也音響節奏  
似矣而不能掩其真亦寓言之流與

味諫軒

我州有蔡次律者家于近郊黃山谷嘗過  
之延以飲有小軒極華潔樞外植餘甘子  
數株因乞名焉山谷題曰味諫後王子予  
以橄欖遺山谷有詩曰方懷味諫軒中果  
忽見金盤橄欖來想其餘甘有瓜葛苦中  
真味晚方回時蓋微祖始登極國論稍還  
是以有此句云程史

蔣燾巧對

挑燈集異我蔣蔣燾幼聰慧一日與父友  
武官者同遊佛寺指殿上佛出對曰三尊  
大佛坐獅坐象坐蓮花燾對曰一介書生  
攀鳳攀龍攀桂子出寺武官部軍座燾衣  
問曰適對何句燾曰我對一箇小軍偷狗  
偷猫偷芥菜其捷於調戲如此一日其祖  
攜遊佛殿見燾跳下階級曰三跳跳下地

對曰一飛飛上天又父客因坐久出對曰  
凍雨洒窓東二點西三點烹對曰切糕作  
瓜分客作片上七刀下八刀揚解人清對

錢李諛王劉

王振死土木錢學士博爲撰葬銘稱其忠  
烈陸式齋詩云王閻素稱慧輕生忍如此  
史官忠烈銘千載孰非是劉璉作立明官  
李閣老東陽爲作碑記頌其功勲李空同

詩云幾碑照輝頌何事一諛死後一諛生  
時同歸語附其能免後世之誚乎

### 施槃幼志

我蘓洞庭施宗銘槃幼從父游淮揚歸舟  
泊河下送客失足墮水衆掖登舟乃長吟  
曰腳踏船頭船便開天公爲我洗塵埃諸  
君莫笑衣衫濕纔向龍門跳出來金鑪所花  
識相似○鼎甲考槃少落拓自負常咏蜩  
戊



蝶云莫恠風前多落魄三春應作樗花郎  
年二十三魁天下皆以洛陽年少遇之

石僧

紹興間劉大中以兵部尙書出守處州俄  
召還上問壁水石僧之狀若何蓋風門山  
東下爲石僧山山有一石狀類癯僧大中  
以詩對曰雲作袈裟石作身巖前獨立幾  
經春有人問我西來意默亡無言總是真

猪脬油囊

靖難兵至淮無舟可渡有兵人於囊中取  
乾猪脬十餘納氣其中環繫腰間泗水而  
渡奪南舟以濟北軍挑燈集輿載汶上人  
用油塗生牛皮作囊納身其中止露眼鼻  
雖深亦不溺登涯則解如蟬蛻衣履不濡  
捲囊而去

倭使詩

明高皇欲征倭國彼遣使嚙哩嘛哈奉表  
乞降上問彼國風俗嚙哩嘛哈以詩荅曰  
國比中原國人同上古人衣冠唐制度禮  
樂漢君臣銀瓮筩新酒金刀膾錦鱗年年  
二三月桃李一般春上初欲罪其不恭徐  
乃貫之

小先生

菽園雜記山陰張倬景泰初爲崑山訓導

年雖少以聰敏聞典史姜某嘗戲倬曰二十  
三歲小先生倬應聲云三五百筋肥典  
史○有點僧對客云儒學雖正不如釋學  
之博如僧人多能讀儒書儒者不能通釋  
典也本朝儒釋兼通者宋景濂一人而已  
倬呵之曰譬如飲食人可食者狗亦能食  
之狗所食者人決不食之矣此僧默然不  
能辨

分合字對

古對以文字分合者如鉏鹿觸槐甘作木  
邊之鬼豫讓吞炭終爲山下之灰奴手爲  
拏已後莫拏奴手人言是信從今休信人  
言半夜生孩子亥二時難定百年匹配已  
酉兩命相當皆佳近又有人曾作偈人弗  
可以爲佛女卑爲婢女又可以爲奴亦辜  
其占對之妙

洗烏挑土

御史職司風紀中書舍人供奉絲綸其在  
皆不薄也成化戊戌徽州倪進賢出入閣  
老萬安之門得庶吉士安病陰痿進賢自  
譽善醫具藥瀦爲洗之因改御史翼聖夫  
人之姪季通以門諱官中舍濟寧某與通  
同僚友善嘗歸省以篋寄通所封鐫甚固  
夫人素諳世故命啓視之同僚固辭夫人

不許乃強啓之篋中舊衣數件下皆土壑  
夫人大怒曰他日欲誣我家耶命毆之通  
跪請得免乃命自擔其篋去時人爲之語  
曰洗身御史挑土中書其辱敗士風同官  
爲之喪氣

彩鳳

成化中言官言官闢事受挫辱自此噤不  
敢言崑山徐生善寫竹遊京師吏科某請

寫竹於壁欲題其上云朝陽鳴鳳或云恐  
被人議論不若易以舞鳳或又以爲不可  
乃以彩鳳題之某從旁口占云鳴也鳴不  
成舞也舞不成不如華彩服搖擺過平生  
衆爲哄堂大笑

一箇波

莆田姚園客旅露書商孟和父令西楚自  
父任所攜貲入金陵因游曲中作秦淮詩



二十首甚麗又贈妓詩有可憐十二峯頭  
雨化作秦淮八月波句或戲改之云可憐  
幾兩江西鏤買得秦淮一箇波曲中謂不  
在行曰波老

酒三平

吳興沈太學某倅雲間令吏取酒三瓶寫  
作三平吏曰非此平字沈卽將平字脚加  
一踢曰三乎也罷

等一等

成化丙戌陳公甫憲章莊孔暘景章德懋  
懋應試南宮主試劉定之萬安相戒曰場  
中有此三人不可草率及填榜章莊高列  
獨不見陳卷時題爲老者安之三句亟覓  
至則陳破云人各有其等聖人等其等同  
考者業批其旁云若要中進士還須等一  
等見者哄堂○又明季遺編南直李宗師

國朝文苑卷之二  
歲考某縣諸生命斯民也一節題一生文  
中有云一代一代又一代宗師批云二等  
二等再二等置之六等云

### 腐德

余宗汧謂豆腐有十德水者柔德乾者剛  
德無処無之廣德水土不服食之卽愈和  
德一錢可買儉德徽州一兩一盃貴德食  
乳有補厚德可去垢清德投之污則不成

聖德建寧糟者隱德

奕僧

永嘉僧野雪以奕稱一日在許無念宅與  
吳嗣仙對枰嗣仙稱第一手沈思而後下  
一子野雪殊不顧對客間談隨手應敵無  
不取勝來子魚贈以詩云蕉園坐隱靜飯  
依十九行中喻法微慧眼欲生拋大劫觀  
心不定却斜飛分先未許爭先手戒殺何

堅瓠集

卷二

三

力

堪露殺機跳出刀山投鐵網與師一笑解  
重圍

琵琶妓

仲宗約 宗侯 子斗姚園客至家聽其  
妓彈琵琶比入座美人嬌寵不肯出彈圍  
客口號曰許聽琵琶不與聽佳人無分見  
眉青方屬落句子斗遽續之曰不如且就  
藤床卧猶見襄王夢裏形

才婦擇婿

漢監丞婦鄒養真有才藻工詩文鵝湖費  
狀元宏少隨其父之太學鄒聞其奇索見  
之酒間試以對曰金杯春泛綠費應聲云  
銀燭夜搖紅鄒遂以女字之其女亦能詩  
爲一品夫人

十忙

金陵有十忙祝石林世祿寫字忙何雪漁

圖書忙魏考叔畫圖忙汪堯卿代作忙雪  
浪出家忙馬湘蘭老妓忙孟小兒行醫忙  
顧春橋台香忙陸成叔討債忙程彥之無  
事忙。金尙卿善做祝無功書法祝欲繩  
之葦立宰其昌笑謂祝曰右軍有靈弟應  
下獄矣祝笑而釋之

道中栽李

程仲權在武昌昵一妓謂妓欲嫁之俞羨

長不信也試調之妓亦心動羨長因作詩  
寄仲權曰官道中間栽李樹一株開作兩  
邊花仲權心爲之灰

致曲

王漢陂九思好爲詞曲有客曰太上立德  
其次立功其次立言公宜留心經世文章  
漢陂荅曰公獨不聞其次致曲。一作汪  
南溟俱露書



愚齋

桐下所然嚴文靖訥柄政時留故人飯其  
人椎魯村俗故作謙退之狀避席請曰須  
相公入內乃敢坐某何人敢當伴食宰相  
又一叅幕索沈太史薦牘致御史御史問  
太史近况其人鞠躬對曰太史近來無所  
不爲蓋其意本欲言無一事不佳也御史  
大笑而起

永嘉相命

永嘉張蘿峰孚敬初名璵久因禮聞謁選  
於天曹道遇山陰蕭靜庵鳴鳳蕭素善星  
學時以比部郎罷歸張使推已造蕭觀之  
歎曰命不可憑我今不復言矣張問故蕭  
曰據子之造八年後當大拜今尙作孝廉  
那得驟至相位且如我命宜三品今以比  
部郎罷歸寧望起復耶然決以台輔期張

力阻其意正德庚辰張復入試畢題詩薦  
舍曰月色團圞照舉場河光片片落天章  
風雲交會人初散星斗寒芒夜未央敢向  
人心論用舍直於吾道卜行藏至公堂上  
焚香在吾力猶能繫紀綱是年果登第後  
八年丁亥以議禮入相因憶蕭言爲起用  
仕至方伯○湧幢小品光山王夢弼相爲  
御史有風力屢劾錢寧江彬謫判高郵素

善相術蘿峰以落第候除相一見奇之謂  
曰子有異相他日所就奚止科第因厚貽  
之勸勿就選蘿峯既貴相已卒上疏曰相  
以忠鯁蒙誣宜卹詔贈光祿少卿諭祭

葡萄說

岳季方正善畫葡萄嘗作葡萄說云其幹  
懼者廉也節堅者剛也枝弱者謙也葉多  
而陰仁也蔓而不附和也實可啖才也味

甘平無毒入藥力勝者用也屈伸以時道也其德之備如此

蠶有六德

楊廉夫嘗論蠶有六德衣被天下生靈仁也食其食死其死以荅主恩義也身不辭湯火之厄忠也必三眠三起而熟信也象物以成繭色必尙黃素智也蠶而蛹蛹而蛾蛾而卵卵而復蠶神也此六德也

# 李沅南

萬厓中桃源李沅南春熙八歲時騎竹馬  
游市中遇縣丞問姓名具舉以對丞曰爾  
能聯句乎曰能丞曰書生騎馬街心走李  
曰舉子乘龍天上來丞大異之年十八舉  
于鄉赴公車別所愛姬代詩云寶馬金鞭  
白玉鞍藁砧明日上長安夜深幾點傷心  
淚滴入紅爐火亦寒嗜色病廢終萬縣令

董生

董生十歲時外祖熊博士翠峰誕日試對  
曰六十八翁有數十人子婦女婿并外孫  
稱觴慶壽便拚一醉何妨董對曰百世一  
師集三千士顏曾閔冉及子夏論道傳經  
繼統萬年無已又謝泉溪出對云車馬象  
士并卒砲那來護衛將軍董云吏戶刑工  
及禮兵一齊轉助圣主後果少年顯達

嫁娶謔詞

康熙壬申仲冬訛傳采選繡女邑中愚民  
紛然嫁娶花轎盈街鼓吹聒耳猶憶唐明  
皇詞云莫倚傾國貌嫁取箇有情郎彼此  
當年少休負好風光今事成俄頃不無以  
傾城之貌而誤適匪類然年少有情則今  
古同揆也滑稽生作兩同心謔詞云 天  
使遙臨小民惶惑年庚帖纔出寒門花燈



轎已來香陌趁今宵日吉時良嫁个嬌客  
那管門楣非匹便諧琴瑟一枝花銀燭  
搖紅三盃酒金尊凝碧倩鱗鴻探問梅香  
夜來消息 憲示森嚴民疑莫釋之粧奩  
藉口匆忙無聘禮乘時倉猝感 皇恩女  
嫁男婚向平累畢 頓使皮箱淨桶價高  
什百呼掌札數遍追求喚喜娘多方尋覓  
看來年節屆秋冬穩婆忙迫

李氏女

洪武初吳郡李氏女詩思敏捷有集一卷  
今不傳楊君謙吳中故實記載其警句曰  
桃花一簇開無主終不留題崔護詩

詩訕

咸平中洪州來鵠名振都下然喜以詩譏  
訕當路人惡之卒不第金錢花云青帝若  
教花裏用牡丹應是得錢人夏雲云無限

早苗枯欲盡悠悠間處作奇峰偶題云可  
惜青天好雷電只能驅趁懶蛟龍語亦頗  
韻

### 堠子詩

劉子儀與夏英公同在翰林子儀推爲先  
達章獻臨朝子儀主文在貢院聞英公爲  
樞密副使意頗不平作堠子詩曰空呈厚  
貌臨官道更有人從捷徑過

閉門拜災

唐景龍中洛下霖雨百餘日宰相令閉坊市北門以弭之卒無效霽沍益甚人歌曰禮賢不解開東閣燮理惟能閉北門

費鵝湖別築

費鵝湖構別築乃宋柴侍郎故居也勤勞建造有絳袍者題其柱曰我昔猶君昔君今勝我今盛衰皆有數何必計身心

四休

孫景初時號四休居士云粗茶澹飯飽卽  
休補被邊睡醒後卽休三平四滿過卽休不  
貪不取老卽休黃山谷曰此安樂法也

葉唐夫

洪武中葉唐夫築茅屋于江村橋之松間  
作詩云家住夕陽江上村一灣流水繞柴  
門種來松樹高於屋借與春禽養子孫